

10

Hag en diztro, Guerc'hez ar Joa
 Digemerit hor promessa :
 Parrez Penmarc'h da virviken
 A zalc'ho mad d'ar feiz kristen.


 IMPRIMATUR :

P. MESSENGER,
 Vic. Gén.

8 Juillet 1920.



Lib. Le Meur, Pont-l'Abbé



†

D'AN

INTRON VARIA AR JOA

PARREZ PENMARCH

 Var don : E. Sakramant ar Binijen.

DISKAN

*Guerc'hez Vari, Guerc'hez ar Joa,
 'Vel eun tour tan, skler o lintra
 Hentchit bepred an dud a vor
 Beteg ar porz hag ar goudor.* } bis

1

En eur dremen 'biou d'ho chapel,
 Ar gweliou stenn gant an avel,
 Ar martolod, ha deiz ha noz
 A fell d'ezan kaout ho pennoz.

2

Pa bar an eol en oabl lirin,
Pa vel ar mor o vouse'hoarzin,
Ar martolod en e labour
A fell d'ezan kaout ho sikour.

3

Pa gouez varnan an noz tenval,
Pa glev an avel o yudal,
Ar martolod evit c'herzel.
An deuz ezom euz ho skoazel.

4

Ha pa veler divar an ôd
O vont da goll ar martolod
E bried hag e vugale
A deu d'ho pedi hep dale.

5

Eur vech teac'het deus ar reier,
Eur vech tennet a bep danger,
Ar martolod a zo dinam
A bok d'ho skeuden 'vel d'he vam.

6

Pa d'eu, siouaz ! Ar mor garo
Da roi d'ezan taol ar maro.
Ar martolod, en eur vervel
A zav he vouez 'vit ho kervel.

7

Guerc'hez Vari, Guerc'hez ar Joa
Prim varlec'h o heur diveza
Grit ma kavo an dud a vor
Porz an nenvou bepred digor !

8

Guerc'hez ar Joa, beteg ho ti
An oll a gar dont d'ho pedi :
Roit eta c'hoaz ho sikour
D'al labourer, d'ar micherour.

9

Braz ha bihan, yaouank ha koz
An oll a c'houlen ho pennoz ;
Lakit da ren al levenez
En oll dier euz ar barrez.